



- en Vekst  bedrift

VEDTEKTER FOR OPRO AS

§ 1

Selskapet sitt namn er Opro AS.

§ 2

Selskapet sin forretningsadresse er på Osterøy.

§ 3

Selskapet sitt formål er gjennom produksjon og anna verksemda og i samarbeid med offentlege og private aktørar å skapa grunnlag for sysselsetjing og aktivisering med tilhøyrande oppgåver primært av yrkeshemma, men også overfor andre grupper slik dette til ei kvar tid er naturleg innanfor formålet. Så lenge arbeidskraftstyresmaktene yter tilskot til drifta, gjeld også mål og retningslinjer utarbeidde av desse for drifta. Eventuelle driftsoverskot skal først attende til verksemda til styrking og vidareutvikling av den ordinære drifta. Ved eventuell oppløysing av selskapet kan det ikkje delast ut likvidasjonsutbytte til eineaksjonær.

§ 4

Selskapet sin aksjekapital er NOK 100.000,- fordelt på 100 aksjar á NOK 1.000,-, fullt innbetalt og lydande på namn. Osterøy kommune skal ha aksjemajoriteten i selskapet. Overdraging av aksjar ved sal eller på anna måte er ikkje gyldig utan styre si godkjenning.

§ 5

Selskapet skal ha eit styre på 5 medlemer med 3 varamedlemer. 1.varamedlem er møtande. Funksjonstida for alle er 2 år, likevel slik at høvesvis 3 eller 2 av medlemmene står på val kvart år, samt minst eitt av varamedlemmane. Både skal veljast mellom dei som er valde som kommunen sine representantar i styret. Ordførar, rådmann, dagleg leiar/forretningsførar, representant for arbeidskraft-styresmaktene (så lenge desse yter driftstilskot), representant for dei tilsette og lokallagsrepresentant for Norges Forbund for Utviklingshemma, har møte- og talerett men ikkje røysterett i styret.

§ 6

Styreformannen saman med ein styremedlem teiknar selskapet sitt firma. Styret kan gje prokura.

§ 7

Ordførar representerar kommunen på generalforsamlinga i selskapet.

§ 8

Ordinær generalforsamling vert halde kvart år innan utgangen av juni månad. Styret kallar inn med minst 3 veker varsel til aksjonærane.

Følgjande saker skal hansamast på den ordinære generalforsamlinga:

- a. Resultatrekneskap og balanse med revisjonsmelding.
- b. Godtgjersle til styret sine medlemmer og varamedlemmer.
- c. Godtgjersle til revisor.
- d. Val av styre i samsvar med § 5, samt val av styreleiar og nestleiar kvart år.
- e. Andre saker som er nemnde i innkallinga eller som vert melde til selskapet si leiing minst 2 veker før generalforsamlinga vert halde.

Ordførar representerer kommunen på generalforsamlinga.

Styreformann og Dagleg leiar har møte- og talerett på generalforsamlinga.

Vedtektene (§ 5) er endra etter møte i generalforsamlinga 01.06.94.

Vedtektene (§5) er endra etter møte i generalforsamlinga 29.05.02.

Vedtektene (§4) er endra etter møte i generalforsamlinga 21.05.03.

Vedtektene (§8) er endra etter møte i generalforsamlinga 29.05.17.

Vedtektene (§8) er endra etter møte i generalforsamlinga 14.06.18.